



Broj: 09-23-Sl./18  
Fojnica, 17.12.2016. god.

## O B A V I J E S T

ZA SVE PRAVNE I FIZIČKE OSOBE SA PODRUČJA OPĆINE FOJNICA,  
U UVJETIMA ZIMSKOG RAZDOBLJA,  
DA SU OBVEZNI POSTUPATI PO PROPISIMA SADRŽANIM U  
„ODLUCI O KOMUNALNOM REDU“ („Službene novine Općine Fojnica“, broj: 4/14),

odnosno po:

Članak 148.

### Zabranjeno je:

1. iznošenje i gomilanje snijega iz dvorišta, bašta i drugih slobodnih površina na ulice i trotoare,
2. bacanje snijega i leda ispred zgrada i poslovnih objekata na ulicu,
3. zatrpavanje snijegom i ledom slivnika i drugih otvora,
4. deponovanje snijega i leda na javne površine,
5. parkiranje vozila na prometnicama, na ili uz trotoare na način da se onemogući rad zimske službe,
7. sankanje i klizanje na javnim prometnim površinama.

Novčanom kaznom od 500 KM do 5.000 KM, kaznit će se za prekršaj pravna osoba, a novčanom kaznom u iznosu od 200 do 500 KM odgovorna osoba u pravnoj osobi za prekršaj i pojedinaac koji samostalno obavlja djelatnost osobnim radom (samostalni gospodarstvenik), a novčanom kaznom od 40 KM do 200 KM kaznit će se za prekršaj građanin (fizička osoba), ako postupa suprotno gore navedenim odredbama „**Odluke o komunalnom redu**“.

Također:

### Članak 141.

Snijeg i led se čiste i uklanjaju do ivice trotoara prema kolovozu na način da se omogući nesmetani promet i prolaz pješaka, te prilaz stambenim i poslovnim objektima i javnim institucijama.

Čišćenje snijega i leda se obavlja uz vođenje brige da se na bilo koji način ne ošteti trotoar, ivičnjaci, kolovoz ili druga javna površina

Na trotoarima i javnim prometnim površinama gdje nema trotoara, a koje služe za kretanje i zadržavanje pješaka, snijeg i led se moraju čistiti cijelom dužinom tih površina u širini potrebnoj za nesmetan prolaz pješaka.

### Članak 144.

Snijeg i led na prilazu individualnim i kolektivnim stambenim i poslovnim objektima, kao i snijeg sa drveća pokraj tih objekata, koje izlazi na javne saobraćajne površine i površine koje služe za kretanje ili zadržavanje pješaka, dužni su očistiti vlasnici ili korisnici tih objekata.

Vlasnici ili korisnici objekata iz stavka 1. ovog članka dužni su nakon prestanka padavina očistiti snijeg i ukloniti led i na pješačkim stazama, odnosno dijelu ulice za pješake gdje staze ne postoje cijelom dužinom svoga objekta, širine potrebne za nesmetan prolaz pješaka, najviše do 1 m prema kolovozu.

#### Članak 145.

O uklanjanju snijega i leda sa autobusnih stajališta, označenih javnih parkirališta, taksi stajališta, tržnica, otvorenih pijaca i sličnih prostora, te športskih objekata i objekata javnih institucija, brinu se pravne osobe koja upravljaju tim površinama, odnosno koja te površine i objekte koriste.

O uklanjanju snijega i leda s pločnika uz kioske i pokretne naprave brinu se vlasnici, odnosno korisnici kioska i pokretnih naprava.

#### Članak 146.

Vlasnici ili korisnici individualnih i kolektivnih stambenih i poslovnih objekata ili njihovi upravitelji, koji se nalaze uz javne prometne površine i površine namijenjene kretanju ili zadržavanju pješaka, moraju na krovovima imati ugrađene snjegobrane.

Snijeg i led sa krovova objekata iz stavka 1. ovog članka, dužni su čistiti i uklanjati vlasnici ili korisnici tih objekata.

Vlasnici ili korisnici individualnih i kolektivnih stambenih objekata i poslovnih objekata koji se grade ili su u trošnom i ruševnom stanju obvezni su pored čišćenja snijega i leda sa krovova i postavljanja snjegobrana, postaviti posebne znakove upozorenja radi osiguranja sigurnosti za kretanje i prolaz pješaka.

#### Članak 147.

Izabrani izvođači radova na poslovima zimskog održavanja, odgovorna su za štetu nastalu trećim osobama zbog neispunjavanja navedenih obveza koje su predviđene ugovorom.

Pri uklanjanju snijega i leda ne smiju se oštećivati površine sa kojih se vrši uklanjanje, a niti objekti i nasadi na tim površinama.

Osoba koja ošteti površine, objekte i nasade na površinama, dužno je da ih dovede u prvobitno stanje.

#### NAPOMENA:

**Ako snijeg ili led na krovu stambene zgrade predstavlja opasnost po prolaznike, sigurnost stanara ili same zgrade, snijeg i led se moraju ukloniti.**

Uklanjanje snijega, leda i ledenica (u daljem tekstu: uklanjanje leda) iz prethodnog stava vrše preduzeća ili druga pravna lica kojima je stambena zgrada povjerena na održavanje.

Sa krovova poslovnih zgrada uklanjanje snijega vrše njihovi korisnici.

Sa krovova stambenih zgrada u vlasništvu građana uklanjanje snijega vrše njihovi vlasnici.

**Pri uklanjanju snijega sa krovova moraju se upozoriti prolaznici na opasnost, ne smije se oštećivati zračna mreža, a skinuti snijeg mora se ukloniti, tako da ne ometa promet na kolovozu i pješačkim stazama.**

#### DOSTAVLJENO:

- Službena Web stranica Općine FOJNICA
- Oglasne table Općine Fojnica
- Evidencija

POMOĆNIK NAČELNIKA  
U SLUŽBI ZA CZ I INSPEKCIJSKI NADZOR

  
Alen Cvjetković, prof.